



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460526**

5. De præbendis, & dignitatibus.

---

[urn:nbn:de:hbz:466:1-61800](#)

## TITULUS V.

De Præbendis, &amp; Dignitatibus.

**N**E Clericos in opprobrium Ordinis mendicare contingat, & status clericalis ob paupertatem vilescat, præbenda, & dignitates constituta sunt. c. cum secundum Apostolum. 16. h. t. ubi & Glos. & DD.

## Pars I.

De Præbendis.

## SUMMARIA.

1. *Præbenda etymologia.* 2. *Homonymia.* 3. *Definitio.* 4. usque 12. *multiplex dñsifio.* 12. *Orig.*  
 13. usque 17. *A quo præbenda, ac beneficia instituenda?* 17. 18. *Quibus conferenda?* 19. *Assignatur eorum objectum.* 20. usque 29. *Recensentur requisita necessaria ad eorumdem constitutionem.*  
 29. usque 29. *An Capellania, Commenda, Præfacionum, & penso nomine beneficiorum veniant?* 29. *Quis sit finis præbenda, seu Benefici?* 30. & seq.  
*De fructibus beneficiorum, eorumque perceptione.*

## §. I.

1. *Præbenda, unde nomen trahat, primo statim intuitu apparet, nimurum à præbendo, eò quod Ministris Ecclesiæ alimoniam, sive jus ad proventus Ecclesiasticos præbeat. Desellius h. t. theor. 1. Hinc & Canonici præbendarii dicuntur, qui præbendam accipiunt.* c. *sanctorum 2. diff. 70.*

## §. II.

2. *Sumitur autem vocabulum præbenda modicat, modo strictè. Latè quidem quatenus denotat perceptionem reddituum Ecclesiastorum, etiamli laico competit propter servitium aliquod merè temporale, v. g. propter advocationem Ecclesiæ, aliudque officium sacerdotale; quam laicalem præbendam alias appellant. Vallens. h. t. §. 1. n. 1. Strictè vero, quatenus accipitur pro beneficio Ecclesiastico, seu præbenda spirituali; in qua acceptione iterum duplice significato gaudet. Primo enim significat portionem canonicam, sive ipsum ius percipiendi certos redditus Ecclesiasticos pro-*

manans ex Canonia; quæ simpliciter sic dicta tantum est *jus habendi sedem in Choro, & vocem in Capitulo, & à præbenda differt tanquam causa à suo effectu.* Pirthing. h. t. n. 1. Secundo, & in praesenti capitul generaliter pro quo-cunque beneficio Ecclesiastico intuitu Divini officii, & obsequii concessio, atque hoc respe-ctu præbenda, & beneficium in jure Canonico confunduntur, & pro synonimis usurpantur in c. majoribus. 8. c. tuis questionibus. 23. & paf-sim h. t. c. penult. de V.S. Gonza. in c. I. n. 10. h. t.

## §. III.

*Definitur Præbenda, seu beneficium, quod sit jus perpetuum percipiendi redditus Ecclesiasticos ratione spiritualis officii, Ecclesiasticæ auctoritate institutum, & personæ Ecclesiasticæ ab Ecclesiastica collatum.* P. Engel h. t. n. 1. Layman. in *Theol. mor. lib. 4. tr. 2. o. I. n. 1.*

## §. IV.

*Dividitur Præbenda, seu beneficium Ecclesiasticum multifariam.*

1. In beneficium regulare, & sacerdotale, o-  
cùm de beneficio 5. c. cùm singula 32. h. t. in 6.  
Clem. I. de Elect. Clem. un. de Supplenda neglig.  
Pralat. Regulare illud dicitur, quod solis Religiosis conferendum est; quale est *Abbatia,* *Prioratus,* *Canonicatus regularis;* & aliquæ *Parochia,* de quibus infra de Capell. monach. Sacerdotale nuncupatur, quod per Clericos sacerdotiales regi, & administrari debet. Azor. Inst. mor. tom. 2. lib. 3. c. I. q. 4. Garz. de Benef. p. 6.  
c. I. n. 12. Ea vero tribus modis discernuntur;  
Primò fundatione: etenim pro fundatorum arbitrio beneficium vel regulare, vel sacerdotiale est, cùm eorum voluntatem omnino deceat adimpleri. c. qua semel 4. causa 19.  
q. 3. Tambr. de Jure Abb. tom. 3. disp. 9. q. 3.  
num. I. ubi notat, tunc beneficium ex fundatione censeri regulare, quando cum auctoritate & consensu Episcopi, vel Episco-pi superioris ea lege fundatum est, ut per Viros religiosos in tali beneficio deserviatur:  
sicut

E 2

sicut enim universim de ratione beneficii est, ut cum autoritate Episcopi constituantur, ita etiam ad beneficium regulare non sufficiet, si solum per Abbatem, aut alium jurisdictionem Episcopalem non habentem ita statutum sit, ut nonnisi Regularibus conferri debeat. Secundo conversione, ac mutatione statutus à sæculari in regularem, & vice versa à regularem in sæcularem. c. ad audientiam. 5 de Eccles. adif. Tertiò præscriptione, quā ut ex beneficio regulari fiat sæcularis, aut econtra, præter possessionem bonae fidei per quadraginta annos continuatam requiritur, ut Clericus sæcularis in beneficio regulari, vel Religiosus in beneficio sæculari auctoritate Ordinarii tanquam Rector principalis institutus sit. c. cūm de beneficio 5. h. t. in 6. & ibi Passerin. n. 22. Feder. de Senis consil. 136. Sanchez lib. 7. moral. c. 29. n. 23. Unde si Prælatus Regularis in Parochia regulari habeat Vicarium sæcularem temporalement tantum, hic Vicarius nunquam præscribet. Similiter si Religiosus de facto tantum sine legitima institutione beneficium sæculare possideat, ut etiam si non tanquam beneficiatus principalis, sed quasi Vicarius, vel non ut Regularis, sed quasi Clericus sæcularis in beneficio sæculari commoretur, nunquam mutabitur status beneficii. Vid. Barb. J. E. II. l. 3. c. 4. n. 68. Tambur. ubi supra an. 4. Corrad. in Prax. Benefic. lib. I. c. 6. n. 323. & seqq. Pirrlung h. t. n. 109. & 110.

**S** Addubitatum fuit: an, si de statu, seu qualitate beneficii non constet, id regulare, vel sæcularre præsumatur? Omnia beneficia ex institutione sua præsumi sæcularia, afferunt Rota in una Pamphilonen. Prioratus. 21. Janii 1594. coram Pamphilio. Mascard. de Prob. concl. 172. à n. 1. Gonzal. ad Regul. 8. Cancell. Glaff. 7. n. 1. Sanchez. lib. 7. moral. c. 29. n. 11. cūm enim Religiosi contemplantis habeant officium, c. Monachis. c. placuit. causâ 16. q. 1. non est verisimile, aliquod

beneficium esse erectum, quo forte ab hoc suo officio avocentur. Jac. Illsing. in Thol. pract. tr. 5. diff. 2. q. 2. a. 2. n. 177. Quapropter Passerin. ad c. cūm de beneficio 5. num. 7. & 43. h. t. in. 6. concludit, in dubio ei, qui afferit, beneficium esse regulare, probationem incumbere. At sunt alii, qui in talis casu attendunt ad ultimum statutum beneficii, hoc est, an vacaverit per obitum personæ regularis, vel sæcularis, atque ex eo de illius qualitate judicant: quoniam generaliter in beneficialibus ultimus rei status inspicitur, & maximè consideratur per c. querelam. 24. de Elec. c. consultationibus. 19. de Jure patronat. c. cūm olim 7. de Causa possess. & propriet. Gonzal. cit. Glaff. 7. n. 23. Petr. de Murga tr. de Benefic. q. 2. n. 8. & alii, quos refert Rota dec. 737. n. 3. p. 2. Recent. Ethoc, quamvis appareret de variatione, & beneficium aliquando per institutos sæculares, aliquando per Regulares gubernatum fuisset. Vincent. de Franchis p. 1. dec. 85. n. 2. nisi constaret de contrario statu legitimo præcedente. Rota Romana apud Farinacium dec. 188. n. 1. p. 1. Recent. Certè, quando beneficium fundatum est in aliquo Monasterio, & de modo fundationis non constat, præsumerem illud esse regulare: nam penitus mili persuasum habeo, id in favorem Monachorum esse fundatum, eā scilicet intentione, & lege, ut per Regulares eidem provideatur, nisi per sæculares regi consueverit. Barb. J. E. II. lib. 3. c. 5. n. 14. Rebuff. in Prax. benefic. in proposit. tit. quotuplex sit beneficium. n. 6. Tambur. de Jure Abb. tom. 3. diff. 9. q. 6. n. 4. Mascard. cit. concl. 172. n. 17.

**I**I. Dividitur præbenda, seu beneficium in 6 beneficium duplex, & simplex. Castro Palao in Opere moral. p. 2. tr. 13. diff. un. punct. 2. n. 3. Noster Petr. de Murga tr. de Benefic. q. 2. n. 320. Duplex est, quod aliquā juris qualitate afficitur; cuius generis est Digniss.

que habet præminentiam cum jurisdictione in foro externo; veluti *Papatus*, *Cardinalatus*, *Patriarchatus*, *Episcopatus*, *Abbatia*, *Propstura*, *Decanatus*, *Archiaconatus* &c. de quibus in parte altera dicemus: *Personata*, qui nec jurisdictionem ullam habet, nec administrationem rerum, habet tamen eminentiorem sedem, & locum in Capitulo, in Choro, ac aliis in locis respectu aliorum, qui in Ecclesia, aut Conventu suo tali, vel majori carent præminentia. P. Engel h. t. n. 4. *Offitum*, quod jurisdictione caret tam in foro interno, quam externo, nec specialem præendentiam in Capitulo, Choro, aut alibi habet; veluti officium *Cantoris*, *Sacristæ*, *Custodis*, & *Thesaurarii*. Vallens. h. t. s. 2. n. 6. *Beneficium curatum*, seu *parochiale*, quod curam animarum in foro pœnitentiali habet cum potestate administrandi Sacraenta Parochianis suis Clericis, & Laicis. Castro Palao cit. n. 3. *Simplicia* sunt omnia reliqua beneficia, quæ neque jurisdictionem fori externi, neque specialem præminentiam, administrationem, aut curam animarum habent, sed instituta sunt ad preces tantum persolvendas & alia Divina officia peragenda, ut *Capellania*, & omnes *Canoniciatus* Ecclesiæ Cathedralis, vel Collegiatæ. Petrus de Murga cit. q. 2. n. 324. Præsumitur autem in casu dubio beneficium simplex potius, quam duplex, eò quod qualitas non præsumatur, nisi probetur. Card. Tusch. consel. præf. lit. B. concl. 63. n. 4. Garc. de Benef. p. 2. c. 6. n. 8. \*

Hic occurrit celebris *quaſſio*: utrum sub nomine beneficiorum comprehendantur tam duplia, quam simplicia, quando in genere eorundem sit mentio? Quæ adhibita distinctione inter materiam *odiosam* & *favorabilem* dirimitur. In materia *odiosa*, vel alias strictæ interpretationis tantum veniunt simplicia, quia beneficia duplia, curata & dignitates plus quodammodo sunt, quam beneficia

simpliciter dicta, & propterea specialem mentionem merentur, si strictè loqui placet. Hinc si S. Pontifex mandet, ut alicui provideatur de beneficio non factâ mentione curati, vel non curati, non debet, nec potest beneficium curatum eidem conferri per textum luculentum in c. cum in illis. 16. h. t. in 6. non quidem quasi curata beneficia non sint propriæ dictæ beneficia, sed quia intentio S. Pontificis non censemtur fuisse de beneficio curato restringere, eò ipso quod propriis verbis non expisserit. c. fin. h. t. Christophorus Döring Gottwensis, Vir de Academia nostra optimè meritus in *Disp. de jure Rescriptor.* c. 3. n. 3. Econtra in materia favorabili, & latæ interpretationis (qualis ordinariæ est gratia Principis, c. cum dilecti. 16. de *Donationib.* c. olim. 16. de *V. S.* exceptis tamen litteris, seu *scriptis* Papalibus super obtinendo beneficio impetratis, ut quæ ambitiosa censemtur. c. 4. h. t. in 6.) nomine beneficij in genere intelligitur æquè duplex ac simplex, tam curatum, quam non curatum: cum non minus unum, quam alterum naturam beneficij participet, & si favor aliquis concedatur beneficij in genere, merito concessus censeatur curatis, quæ ad majores labores ampliori favore digna sunt præ simplicibus. Sic dum seq. tit. conceditur, ut ægroti Clerici beneficia unà cum fructibus retineant, id non solùm de simplicibus, sed de curatis quoque procedit. Quod tamen ita limito, nisi expresse contrarium statuatur, vel natura beneficij aliud exigat. Quamobrem ubi in genere Beneficiatis indulgetur non residere, & officium suum per alium implere, id licet favorable sit, nihilominus ad Curatoꝝ extendi non potest, utpote contra rationem, & naturam beneficij curati, quod ex Jure Di- vino & humano residentiam exigit, ut in *tie. præced. n. 4.* probatum est.

III. *Dividitur Præbenda; seu beneficium in beneficium collativum, electivum, &*

*mix-*

E 3

mixtum. *Collatum est*, quod collatione liberâ pro voluntate Superioris conferatur. *Electionum*, quod per suffragia Capitularium, accedente postea Superioris Ecclesiastici confirmatione, vel admissione obtinetur; qualia etiâlicubi reputentur Decanatus, propriè tamen electivorum nomine veniunt sole Prælatura, sive Dignitates pastorales, quas obtinentes censemur Ecclesiatum suarum quasi sponsi, & capita Collegiorum, quibus præsunt, veluti Episcopi, Abbates, Præpositi, Priors Conventuales, & similes. Azor *Instit. moral.* p. 2. lib. 6. c. 14. q. 2. & 5. Gregor. Tholosan. *de Elec.* c. 4. n. 2. Beneficium *mixtum*, seu *patronatum* vocatur, quod nominante, seu designante Patrono à Superiori conferatur, ita ut Patronus primò præsentare, & postea Episcopus præsentatum instituere debeat, prout plerique Parochi, & Capellani institui solent. In dubio beneficium præsumitur *collatum*, non *electivum*, aut *mixtum*: quia esse electivum, vel mixtum non est qualitas propria beneficii, sed extrinseca, ac accidentalis, liberæque provisioni Episcoporum præjudicat. Pirrhing. b. t. n. 16. Castro Palao p. 2. tr. 13. *de Benefic.* dif. I. pun. 2. num. 5.

**IV.** *Dividitur Præbenda, ac Beneficium in manuale, & titulare.* *Manuale est*, quod ad nutum conferentis revocari, & adimi potest; quod fere omnia beneficia regularia, exceptis electivis, pertinent, utpote quæ Prelati, qui ea contulerunt, Religiosis sibi subjectis prælibitu auferre queunt, Clem. un. *de supplenda neglig.* *Prælat.* & ibi Interpp. *Titulare*, sive, ut alii vocant, *non manuale beneficium est*, quod in titulum perpetuum conferatur, & semel collatum tolli non potest, nisi certis de causis à Jure statutis; hujusmodi sunt beneficia sacerdotalia, quæ suâpte naturâ, & jure ordinario perpetua sunt, & irrevocabilia, nisi ex gravi, & justa causa. c. *præcepta 16. dif.*

ff. c. *satis 7. dif. 56. c. 2. dif. 70. Garci. p. 1. de Benefic.* c. 4. n. 16. Pirrhing. b. t. n. 14.

Frequens in foro *controversia est*: puto Parochia regularis sit beneficium manuale, ita ut Beneficiati tam sacerdtales, quam regulares sint ad nutum *Prælati amovibiles?*

Difficultatem facsilit Concilium Tridentinum *sess. 7. de Reform.* c. 7. quod Episcopis potestatem dedit, ut in Parochiis, quæ Monasterio, aut Collegio unitas sunt, vicarios perpetuos, aut temporaneos constitutere possint, prout ipsis pro bono Ecclesiarum regimine expedire videbitur, appellationibus, privilegiis, aut exemptionibus minimè suffragantibus.

Sed cur ab affirmativa recedere debeam, non video: enim verò quod *Prælatus ad Parochiam regularem vicarium tam regularem quam sacerdtalem ad nutum amovibilem expondere possit*, habet Barb. *de Officio.* & potest. Episc. p. 3. alleg. 72. n. 199. cum pluribus ibi allegatis: *Regularem* quidem, quia non est credibile, Concilium voluisse abrogare. c. ad nostram. 5. o. porrecta 6. o. ad monasterium. 9. §. tales de Statu Monach. Clem. un. *de Supplend. negl. Prælat.* aliosve antiquos Canones, juxta quos Regulares à beneficis prohibito revocari possunt, maximè cum per manuallitatem aquæ, imò melius provisum sit Ecclesiis, quam per perpetuitatem Regularium, cum regularis Beneficiatus à rectâ vita, aut parochialis curâ semita deflectens facile, & absque strepitu per solum *Prælatum* amoreatur, & melior sufficitur, sicque religiosus obedientiarius in sacra obedientia vigore continetur. *Secundum* verò: quia si Clericus sacerdotalis ab Episcopo vicarius perpetuus constitui posset, *Prælatus* in Parochia regulari privaretur jure suo, & impeditetur, quin constitueret posset vicarium regularem, usquedum sacerdotalis moreretur; quod Tridentinum loc. cit. *minimè concedit.* Certe quod Episcopus non

non possit Vicarium perpetuum deputare, quando à tempore immemoriali unio (scilicet Ecclesiæ Parochialis) facta est, & ex tunc constat, Vicarios suisse ad nutum amovibiles, scientibus & consentientibus Ordinariis, & nunquam Vicarium perpetuum suisse constitutum, tenent Flores de Mena variar. lib. 1. q. 10. n. 44. Sanchez in Praecept. Dec. tom. 2. lib. 7. c. 29. n. 191. ¶ 3. fallit. & cum his Barb. ad d. c. 7. Trident. n. 16.

Porro decretum Tridentini, quod in contrarium adductum, intelligendum est de Parochiis *sæcularibus* Monasterio unitis, non vero de *Regularibus*, seu ita unitis, ut in illis ex arbitrio Prælati vicarii regulares, vel sacerdotes constitui possint: siquidem Pius V. in Bulla: *Ad exequendum sub dat. Kal. Novemb. 1567.* exprelse exceptit tam mendicantes, quam alios regulares habentes Parochiales Ecclesiæ unitas, & decernit, ut in ejusmodi Ecclesiis possint deputari vicarii ad nutum Superiorum amovibiles ex ipsis Fratribus, ac Monachis, nec illis invitatis ibi Episcopi vicarios perpetuos instituere valeant. Præterea quia nonnulli Episcopi abutebantur potestate sibi data in Concilio d. c. 7. & Vicariis perpetuis tantam portionem assignabant, ut vix aliquid Monasterii, aut Collegiis de fructibus remanserit, ideo idem Pius V. in d. Bulla: *Ad exequendum.* declaravit, quod, cujuscunque valoris, vel onoris Parochia fuerit, non debeat Vicario pro sua portione major, quam 100. rec minor 50. Scutorum annuorum summa computatis omnibus etiam incertis emolumentis, & aliis obventionibus communiter percipi solitis assignari, nisi jam prius ante designationem Episcopi Vicario fuerit plus dari solutum. Ad hæc notabile est, quod in Parochiis unitis, in quibus Vicarius *sæcularis* exponitur, Episcopus non pro suo libitu possit instituere Vicarium perpetuum, sed in debeat facere ex justa causa, eaque deficiente appell-

latio detur. Barb. de Offic. & postfl. Epist. alleg. 72. num. 190. Gatt. de Beneficio. p. 9. c. 2. num. 8.

V. Beneficia ad se invicem comparata di-  
di solent *in sociabili*, seu *compatibili*, ut ve-  
cant, & *in sociabili* seu *incompatibili*.

*Incompatibili* dicuntur, quorum officium unus simul præstare nequit; qualia sunt ea be-  
neficia, quæ singula residenciam continuam  
petunt; itemque uniformia sub eodem tecto,  
neque eam natura patitur, ut quis simul duo-  
bus locis continuo resideat, aut idem officium  
simul plures præstet.

Rursus inter hæc aliqua sunt *incompatibili*, ut unum alterum ipso jure excludat, quæ *incompatibili* primi generis vocantur: alia sunt, quæ etiæ simul absque dispensatione Pon-  
tificis licet retineri nequeant, tamen non ita  
inter se pugnant, ut uno obtento alterum ipso  
jure vacet, etiæ post secundi assecutionem à  
Supériore sit auferendum, dicunturque *in-  
compatibili* secundi generis.

*Incompatibili* primi generis sunt beneficia  
habentia annexam curam animarum, digni-  
tatem, personatum, aut officium. c. multa 28.  
h. t. Extravag. execrabilis. Eod. Trid. sess. 7.  
de Reform. c. 4. quandoquidem ipso jure  
primum ex his vacat, cum secundum ejus-  
dem generis acquiritur, & si quis etiam alte-  
rum retinere contenderit, utroque privatus  
ipso jure, & ad sacros insuper ordines, & be-  
neficium quocunque inhabilis existit. d. Ex-  
travag. execrabilis. Talia etiam sunt bene-  
ficia uniformia sub eodem tecto, id est, in  
eadem Ecclesia, vel Capella, aut Coemeterio  
illi contiguo, v. g. duo Canonicatus ejus-  
dem Ecclesiæ, juxta Clem. ult. h. t. c. literas. q.  
de Concess. prob. Trident. cit. cap. 4. Requi-  
ritur tamen ad dictum effectum, tum ut se-  
cundum beneficium integrè sit obtentum,  
ejusque pacifica possessio habeatur, tum ut  
fructus secundi beneficij percipi valeant;

aliam

aliis enim talis possessio inutilis foret. c. si tibi  
26. h. t. in 6. Clem. 3. h. t. Azor. Inst. moral.  
p. 2. lib. 7. c. 16. q. 9. Garc. de Benef. p. 11.  
c. 5. n. 100. tum ut utrumque beneficium  
collatum sit in perpetuum, seu titulum, seu  
commendam juxta Trid. loc. cit. Unde ha-  
bens dignitatem, vel beneficium curatum, li-  
cet vicariatum generalem Episcopi acceptet,  
prius tamen beneficium, seu dignitatem non  
perdit, cum Vicarius sit ad nutum amovibilis,  
ut supra de Officio Vicarii diximus.

Incompatibilia secundi generis sunt cætera  
beneficia, quæ residentiam continuam, ac cum  
alio incompatibilem exigunt, licet simplicia  
sint, prout colligitur ex Trid. siff. 24. de Ref.  
c. 17. in quibus non eò ipso primum vacat,  
quod secundum obtentum sit, cum id expre-  
sum in jure non reperiatur, ut notat Less. de  
J. & J. lib. 2. c. 34. dub. 27. n. 144. Azor.  
Inst. moral. p. 2. lib. 6. c. 10. q. 1. Imò etiam  
quoad incompatibilia primi generis notan-  
dum, quamvis is, qui duo ejusmodi beneficia  
retinuit, primo ipso factō ita privetur, ut nul-  
lā opus sit sententiā Judicis, secundi tamen bene-  
ficii, licet itidem titulum & proprietatem sta-  
tim perdat, possessionem nihilominus retineat,  
donec per sententiam privetur, prout idem  
Less. d. lib. 2. c. 34. dub. 27. n. 143. docet.

Beneficia compatibilia dicuntur, quorum  
officia præstari possunt; qualia sunt beneficia  
in diversis Ecclesiis, quæ nullam, vel non in-  
compatibilem residentiam exigunt; veluti si  
ex statuto, aut consuetudine recepta in uno  
v.g. Canonicatu, tres vel sex, in altero totidem  
mensis residere sufficiat, contra Trid. siff. 24.  
de Ref. c. 12. quod residentiam continuam, aut  
salem novem mensium postulat. Layman. in  
Theol. moral. lib. 4. tr. 2. c. 8. n. 6. Talia etiam  
sunt beneficia difformia in eadem Ecclesia,  
quorum obligatio ab uno suscipi, & commodè  
impleri potest; v.g. Præpositura, vel Decana-  
tus, & simplex canonicatus: Pirthing. b. t. n.

136. Less. de J. & J. lib. 2. c. 34. n. 144. Na-  
var. h. t. consil. 26. Quò probabilitate etiam  
revocari possunt duo altaria ejusdem Ecclesiæ  
propter diversa onera, & officia illis annexa;  
ut si in uno bis, in altero ter, aut quater hebdo-  
madatim distincis diebus celebrandum esset.  
Navar. h. t. consil. 16. Pirthing n. 138. Atque  
de hujusmodi beneficiis compatilibus senten-  
dum, ea tum demum juxta Trident. siff. 24.  
de Reform. c. 17. licet simul obtineri posse,  
si pro congrua sustentatione necessaria sint,  
& simplicia, quod addo: quia licet ante Tri-  
dentinum potuerint etiam plura curata bene-  
ficia possideri, si ita erant tenuia, ut non pol-  
lent proprios Sacerdotes alere, per c. tamte. 4.  
de Etat. qualit. & ord. prefic. hodie tamen id  
sine Apostolica dispensatione non amplius li-  
cet, teste Less. cit. c. 34. n. 147. in fin.

S. V.

Causa efficiens Præbendæ, seu beneficii  
alia est remota, alia proxima.

Remota est jus. Sed quale? Existimem  
beneficia, ac præbendas eatenus jure Divino  
positivo esse introductas, in quantum deservi-  
unt pro retributione temporali Divini officii,  
& pro necessaria sustentatione Ministrorum  
Ecclesiæ: ita enim edicit æterna Veritas: di-  
gnus est operari in cibo suo. Matth. 10. v. 10.  
Cui suclamat Doctor Gentium. I. ad  
Corinth. 9. v. 17. Dominus ordinavit, ut  
qui Evangelium annuntiant, de Evangelio  
vivant, & qui Altari deserviant, de Altar  
vivant. Quoad titulum verò beneficiale,  
& modum & formam prædictæ retributionis  
temporalis, præbendas esse de jure humano,  
& sub absoluta Papæ dispensatione, sat abun-  
dè constat ex c. omnes 1. dist. 22. ubi dicitur  
Romanam Ecclesiam instituisse Patriarcha-  
tus, Primatus, Archi-Episcopatus, Episco-  
patus, & cuiuslibet ordinis dignitates, & ex  
c. in illis 2. dist. 80. c. licet 2. pr. h. t. in 6.  
ubi habetur, Ecclesiarum, Personatum.

Dic.

Dignitatum , aliorumque beneficiorum plenariam dispositionem ad Romanum Pontificem pertinere. Confer Azor. *Instit. moral.* p. 2. lib. 6. c. 1. q. 1.

13 Proxima sunt illi , qui præbendas , seu beneficia erigunt , instituunt , aut fundant : nempe S. Pontifex , Episcopus , Capitulum , vel privatus.

S. Pontifex solus erigit beneficia majora , seu Dignitates Ordinis , ac Collegii Ecclesiastici . *cit. c. omnes. 1. c. sacrosancta. 2. dist. 22.* de quo *infra p. 2.*

14 Episcopus in sua Diœcesi creat omnia minoria beneficia : *c. nemo. 9. dist. 1. de Consecrat.* t. nullus omnino. 11. *causâ 16. q. 7.* Trident. *dist. 24. de Reform.* c. 13. ex seculari regulare facit , non econtra , nisi auctoritate R. Pontificis . *c. inter quatuor. 5. de Religios. domib.*

Dubitari hoc loco potest : num inferior Episcopò , præsertim Prælatus exemptus , aut nullius Diœcesi beneficium Ecclesiasticum instituere , ejusque institutionem autorizare possit ? Quod negandum , nisi habeat suffragium Episcopi Diœcesani , aut privilegium speciale à Sede Apostolica . *c. auctoritate 4.* *de Privil. in 6.* vel jurisdictionem quasi Episcopalem : quia talis quoad ea , quæ jurisdictionis sunt , regulariter omnia potest , quæ Episcopus in sua Diœcesi , Barb. *J.E.U. lib. I.*

17. n. 94. Chockier lib. 1. q. 17. n. 25. & lib. 4. q. 20. n. 1. Intelligitur autem Prælatus exemptus habere jurisdictionem quasi Episcopalem , quando ei jurisdictione collata est non solum in suam Congregationem , seu Collegium , sed etiam extra per totum aliquod territorium , certis limitibus finitum , ita ut ea competat in Parochos & Parochianos ad exemplum jurisdictionis Episcopi . Secus dicendum de Abbe exento , qui solum in eos , qui de Collegio sunt , jurisdictionem exercet . Azor *Instit. moral.* tom. 2. lib. 3. c. 28. P. Engl. *de Privileg. Monast.* *privil. 46.*

KÖNIG IN DECRET. LIB. III.

*Capitulum præbendam tantum in specie , 15* ac propriè dictam instituit , ac suppressam dignitatem restaurat . *c. dilectus. 19. h. t. c. cum accessissent. 8. de Confit.* Canonicatus in Ecclesiis Cathedralibus , & Collegiatis instituere in actu erectionis spectat ad S. Pontificem , post erectionem vero potest etiam Episcopus cum consensu Capituli alios de novo creare , maximè si Canonicorum numerus præscriptus , & Ecclesia numerata non sit , eò quod Canonicatus appellatione beneficiorum comprehendantur . Barb. *de Canon. & dignit. c. 2.* n. 21. & seqq. ita ut si nova superadditio purè fiat , novi Canonicorum nullo differant ab antiquis , & iisdem cum iis prærogativis gaudeant ; secus si cum restrictione . Fagnan. in d. c. cum dilectus. b. t. n. 21. & 22. Jo. Bapt. de Luca in *Theatr. verit.* tom. 12. tit. *de Can. & Capitul. dist. 6. n. 2. & 3.* Quodlibet Ecclesia numerata , & à S. Pontifice certus Canonicorum numerus præfixus fuerit , videtur dengata potestas inferioribus numerum augendi . ut docet idem Jo. Bapt. de Luca *cit. dist. n. 4.* nisi forte postea proventus , & facultates Ecclesiae excreverint , ut limitat Gratian. *discept. forens. 819. num. 21.* cum Panormit. Butr. Imola , & aliis in c. cum M. Ferrariensis . *9. de Confit.*

*Privatus* beneficium fundat non per se , sed cum licentia , & auctoritate Episcopi . *c. nemo de Consecr.* *dist. 1.* Eā non accedente privata oratoria construit , & dotat . *c. unicuique 33. ead. dist. 1. c. fin. de Censib. c. patentibus.* 10. *de Privil.* ut amplius n. 20. dicemus .

Hic scrupulus incidit : an ei , qui bona sua *16* confert ad novi beneficii fundationem , pacisci , & conditionem adjicere lieeat , ut illud sibi beneficium conseratur ?

Dixeris , id licere , eò quod in fundationibus Ecclesiarum , ut major sit hominum ad Ecclesiæ fundandas promptitudo , honestæ conditions admittantur . *c. præterea 23. de*

F

Jure

*Jure patronat. c. verum. 4. de Condit. appos.*  
*Quaratione motus P. Engl. de Elect. n. 1. te-*  
*nuit, posse Patronum Ecclesiasticum, aut sibi,*  
*aut alii Prælato, vel Capitulo in Ecclesia fun-*  
*data jus eligendi reservare. Deinde cum juxta*  
*Azor. tom. 2. Inst. mor. lib. 6. c. 4. q. 25. &*  
*communem DD. fundatori liceat beneficium*  
*instituere, ea lege, & conditione, ne ullus,*  
*nisi ex sua familia, vel gente præficiatur; non*  
*est, cur eidem fundatori non liceat beneficium*  
*instituere ea lege, & conditione, ut ipsem et*  
*præficiatur.*

Verum negativa unanime Canonistarum suffragium jam dudum merita est, partim propter textus generales in c. non est putanda 27. causâ I. q. 1. & in c. ex multis. 9. causâ I. q. 3. partim propter textum speciale in c. tua nos. 34. de Simonia. qui disertè habet: quod si quis Clericus cum conditione, vel pacto largiatur, aut offerat bona sua, ut illa postmodum pro præbenda retineat, & in Canonicum admittatur, hujusmodi oblatio, vel receptio fieri non possit sine vitio Simonia: cum in talibus omnis pactio, aut conventio cessare debat, juxta canonicas sanctiones. Ubi Fagnan. n. 3. in terminis notat, esse simoniam fundare, vel dotare Canonicatum, vel aliud beneficium Ecclesiasticum cum eo pacto, ut beneficium illud sibi conferatur. Profectò quod ibi statuitur de præbenda nullatenus ex pacto conferenda fundatori ejusdem, hoc idem statuendum de alia quavis præbenda, quam aliquis sibi, aut alicui suorum conferri pacisceretur, dum fundat aliud beneficium, quasi in compensationem, & remunerationem antidoralem, aut in permutationem suæ novæ fundationis. Augebitur verò, & gravius erit simoniæ delictum, si pactio hujusmodi fiat super beneficio necdum fundato, sed fundando, ut contingit, cum quis ad obtainendum sibi, aut filio suo beneficium jam existens, confert prædiū, vel nume-

rata pecuniam, ex qua novum aliud fundetur beneficium: tunc enim sit communio rei temporalis ad rem sacram, ex quo beneficium fundandum non est beneficium, & priusquam facta, & ab Ordinario recepta, scilicet approbata sit fundatio, prædiū, aut pecunia ad hoc destinata manet adhuc sub genere rei merè temporalis, & profanæ, atque sub ista conditione magis reprobabitur per d. c. tua nos. Diversum obtinet, si fundator remota omni pactione, & intentione simoniacâ etiam occultâ & mentali gratis, & liberaliter sua bona donaret, & postea rogareret, ut sibi beneficium à se fundatum liberè & spontaneè conferretur. d. c. tua nos. & ibi Fagnan. n. 23. & seqq. Azor. Inst. moral. p. 3. lib. 12. c. 7. q. 2.

Rationes in partem oppositam supra adductæ procedunt, quando in foundationibus conditions honestæ apponuntur, non verò in hypothesi, in qua Ecclesia conditionem adjectam damnat, ac improbat. Unde nec paritas vim habet, quandoquidem argumentum à pari, aut simili nunquam concludit contraexpressam juris dispositionem. Eberhardus in argumentis legalib. loc. à simili. Et notat Barb. in loc. commun. argument. jur. loc. 101. argumentum à simili esse valde fragile & infirmum, ac facile sterni posse, cum oporteat paritatem esse in puncto; quod præcipue in materia morali verum est, in qua cum bonitas & malitia ab unica fæpe pendent circumstantia, facillimè fieri potest, ut unius circumstantiæ atomus oculum, & considerationem fugiat, & ita periculosissimè ab uno ad aliud trahatur consequentia.

#### §. VI.

*Subjectum præbendæ, seu beneficii est is,<sup>17</sup>*  
*cui confertur. Requiritur autem ex parte*  
*ejus, cui confertur, ut sit habilis, legitimæ*  
*ætatis, scientiæ, non suspensus, non excom-*  
*municatus, irregularis, indignus: item ut*  
*sit*

*Si Clericus vel sacerdotalis, vel regularis pro qualitate beneficij, prout latè de hujusmodi conditionibus differimus in lib. 1. ad tit. de Elec. §. 4 & in tit. de Æstat. & qualit. & vrd. præficiend. per tot. Duæ tamen supersunt quæstiones non indignæ, quibus immo- mur.*

*Prima est: utrum Religiosi de jure, & absque dispensatione Apostolica sint capaces sacerdotalium beneficiorum curatorum?*

*Qui in negativam propendent, opponunt primò c. in Ecclesiis. 1. de Capell. Monach. ubi Urbanus III. hæc statuit: In Ecclesiis, ubi Monachihabitant, Populus per Monachum non regatur, sed Capellanus, qui populum regat ab Episcopo per consilium Monachorum instituatur: ubi Glossa notat, quod Monachi curam populi habere non debeant. Cui consonant c. placuit. 1. c. de Monachis. 3. c. Monachus. 4. c. placuit. 8. c. interdicimus. 10. causâ 16. q. 1. Secundò obtendunt vulgatam regulam, quæ habet: Beneficia regularia Regularibus, sacerdotalia sacerdotalibus conferenda esse, juxta c. cùm de beneficio. 5. c. cùm singula. 32. b. t. in 6. Clem. un. de Supplend. neglig. Pralat. Ad hæc triu Paulus IV. Anno 1558. in Bulla, quæ incipit: Postquam Divina bonitas nominatum prohibet, Regulares ad beneficia sacerdotalia aliter, quam ex Papali dispensatione promoveri: & sub Gregorio XIII. emanavit Decretum Congregationis Concilii Tridentini, quod expresse promotionem Regularium ad Beneficia sacerdotalia interdixit: Gonzal. ad Reg. Cancell. gloss. 7. num. 53. Sanch. lib. 7. in Decal. c. 29. num. 71. Garc. de Benefic. 7. p. 6. 10. n. 21. Layman. in Theol. moral. lib. 4. tr. 2. c. 4. Pitching. num. 118. b. t. qui, & plures alii contendunt, jure saltem novissimo Regulares curata beneficia sacerdotalia sine dispensatione Papæ obtinere non posse.*

*At verò quam multos isti, & unà seipso scellerint, in propatulo est: etenim jure anti-*

*qno regulares beneficiorum curatorum sacerdotalium capaces esse, clamant c. quod Dei timorem. 5. de Statu Monach. Clem. 1. de Elec. c. nullus Religiosus. 28. c. si Abbatem. 36. Eod. in 6. c. doctos. 21. & quatuor seqq. causâ. 16. q. 1. Imò Gregorius XV. in Bulla, quæ incipit: Salvatoris nostri Jesu Christi perspicuefatetur, quod longa, & continuatâ multorum sacerdotalium serie Ecclesia ipsa nulos alios, quam Familia Benedictinæ Alumnos Pontifices habuerit, ex eaque jam ab antiquissimis temporibus admirabili doctrina & sanctitate prædicti Viri propè innumerabiles prodierint. Et quidem non tantum intra septa Monasterii, ut dicitur, sed in toto pene terrarum Orbe, cum pleraque gentes per religiosos ad fidem conversæ fuerint, ut passim Annales profitentur. Idipsum probatur ex Jure novissimo Tridentini, quod sess. 14. c. 11. de Reform. statuit, ut omnis Religiosus, ex alio Ordine translatus, etiam si Canonicorum Regularium fuerit, ad beneficia sacerdotalia etiam curata, omnino incapax existat. ergo supponit Tridentinum, Religiosos, si ex alio Ordine translati non fuerint, esse illorum beneficiorum capaces, quia exceptio firmat regulam in casibus non exceptis. Ita P. Engl de Privileg. Monast. privil. 45. Bordon. de jure Paroch. num. 51. Præterea non est dubium, quia consuetudo jus pariat, & legem abroget c. fin. de Consuet. 1. 32. cum seqq. ff. de LL. Panormit. in c. cùm liceat. de Praescript. & in c. 1. de Capell. Monach. ubi ait, contra constitutionem hujus c. 1. consuetudinem valere. Atqui consuetudo obtinuit, ut regulares admittantur ad beneficia sacerdotalia absque ulla S. Pontificis dispensatione, & obtentâ duncaxat sui Superioris licentiâ; Et hæc consuetudo tantò magis probanda est, quod cum jure communī conveniat.*

*Nec argumentis contrariis hæc sententia enervatur. Nam ad Canones, qui videntur*

Monachis adimere Clericorum munia , respondetur cum S. Th. opusc. 19. contra impugnantes Religionem. c. 4. & 2. 2. q. 187. a. 1. & q. 188. a. 4. & 5. quod solum loquantur , de illis Monachis , qui nec Sacerdotes erant , sed solitarii & eremitæ , non verò de illis , qui ad hoc vocati sunt , & qui non ex propria auctoritate id faciunt , sed ex commissione suorum Prælatorum . Quod attinet illam regulam universalem , beneficia sacerularia sacerularibus , & regularia regularibus conferenda esse , ea exceptionem patitur in beneficiis sacerularibus curatis , quæ possunt Regularibus conferri , per text. & Gloss. in c. in parochia. causâ 16. q. 1. & c. quod DEI timore . q. de Statu Monach. Addo , quod æquè prohibeantur beneficia regularia , & Monasterii unita sacerularibus conferri , ac sacerularia Regularibus , juxta Trident. sess. 24. de Reform. c. 10. & tamen passim videoas , Clericos sacerulares assumi , & promoveri ad beneficia curata Regularium ; ergo idem jus erit in promotione Regularium ad beneficia sacerularia : cùm parium eadem debeat esse dispositio juxta vulgata . Et sanè incivile foret Regulares à Clericis sacerularibus penitus excludi , dum Regulares eos in consortium admittunt . Minus obstat Bulla Pauli IV. & Decretum S. Congregationis supra oppositum : quoniam Bulla Pauli IV. omnino revocata & ad terminos juris communis reducta est per aliam Bullam Pii IV. quæ incipit : Sedis Apostolica solertia . Anno 1560. ut videre est apud Sanchez lib. 7. in Decal. c. 29. n. 71. & Tambur. de jure Abb. tom. 3. disp. 9. q. 8. n. 13. Decretum verò Congregationis , præterquam quod loquatur solum de Canonici Regularibus , adeoque tanquam odiosum ad Regulares omnes extendi non debeat , nunquam fuit promulgatum , nunquam observatum , & multoties contra illud in Rota Romana decisum , teste Tambur. cit. q. 8. n. 12. & ipso Gonzal. in recentiori editione Gloss. 7. n. 35. §. ceterum .

Porro an Regularis de sui Prælati licentia , & consensu ad curatum , seu parochiale beneficium sacerulare per collationem , aut institutionem canonicam tituli collatoriam assumpsit , beneficiarius , ac parochus perpetuus sit , an verò amovibilis per Prælatum regularem ? item an talis Religiosus suo Prælato Regulari in omnibus subjectus maneat , vel solum Episcopum Diœcelianum , seu Ordinarium loci Prælatum , & Superiorum suum recognolcat ? disputat noster Petrus de Murga tr. de Benef. q. 2. a. 1. à num. 259.

Alter a questio est : an licitum sit , uni plures præbendas , ac beneficia simul conferre , aut recipere ?

Hujus questionis decisio extat in Trident. sess. 24. c. 17. de Reform. ubi ita decernit : Cum Ecclesiasticus ordo pervertatur , quando unus plurium officia occupat Clericorum , sancte sacris Canonibus cautum fuit , neminem oportere , in duabus Ecclesiis conscribi , verum quoniam multi improba cupiditatis affectu se ipsos , non DEUM decipientes , ea , qua bene constituta sunt , variis artibus eludere , & plura simul beneficia obtainere non erubescant , Sancta Synodus debitam regendis Ecclesiis disciplinam restituere cupiens , presenti decreto , quod in quibuscumque personis , quocumque titulo , etiam Cardinalatus honore fulgeant , mandat observari , statuit , ut im posterum unum tantum beneficium Ecclesiasticum singulis conferatur , quod quidem , si ad vitam ejus , cui confertur , honeste sustentandam non sufficiat , liceat nihilominus aliud simplex sufficiens , dummodo strumque personalem residentiam non requirat , eidem conferri . Hacque non modo ad cathedrales Ecclesiis , sed etiam ad alia omnia beneficia , tam sacerularia , quam regularia quacunque etiam commendata pertinent , ejuscumque tituli , ac qualitatibus existant . Quod quidem meritò lanicum , & statutum ob multas inordinationes , quas ejusmodi præbendarum plu-

pluralitas involvit: etenim exinde sequitur primò diminutio cultùs Divini, dum unus loco plurium in diversis Ecclesiis instituitur: Secundo defraudatio piarum intentionum, quas habuere præbendarum fundatores, ut quidcirco bona sua Ecclesiis contulerunt, ut promodo, & ratione facultatum sustentarentur personæ ad ministerium Ecclesiasticum deputare, quod evertitur, dum unus duorum loca occupat: Tertiò damnosa, & justitiae distributivæ adversa inæqualitas inter personas ejusdem ordinis, & conditionis, dum unus pluribus beneficiis abundat, & alius nec unum iuxta sustentationi necessarium habere potest. Hinc rectè S. Bernardus, relatus à D. Th. quodlib. 9. art. 15. dicebat, quod qui non unus, sed plures est in beneficiis, non unus, sed plures futurus sit in suppliciis. Ast

Dubitatur I. Ob quas causas S. Pontifex, & respectivè etiam Episcopus dispensare possit, ac soleat, ut unus plura beneficia consequatur, & retineat?

R. Esse plures: prima est necessitas Ecclesie, quæ contingit, quando idoneorum Ministeriorum est penuria: Secunda est utilitas Ecclesie, si nimis tanta sit alicujus prudenteria, industria, ac doctrina, ut solus plus speretur emolumenti allatus, quam plures alii: Tertia est eminens alicujus literatura, vel nobilitas generis, aut evidens meritorum prærogativa per c. de multa. b. t. Quarta, & potissima est exiguitas reddituum unius beneficij, ita ut unum ad congruam sustentationem non sufficiat. Trident. loc cit. Azor. Institut. moral. tom. 2. lib. 6. c. 12. q. 2. Panormit. in d. c. de multa. n. 7. Alphons. Hojeda de Benefic. incompatib. p. 2. c. 12. n. 18. Causa ejusmodi deficiente dispensatio, quantumvis à R. Pontifice concessa, nullius est roboris, utpote sub- & obrepititia, nec provisus vi talis dispensationis est in conscientia securus. Panormit. in c. quia in tantum, n. 2. b. t. Fagnan. ibid.

num. 4. Passerin. ad c. 1. de Consuet. in 6. q. 2. a. 1. num. 352. & B. Albertus M. qui cuidam, qui super pluralitate beneficiorum idoneam causam destitutam dispensationem impetraverat, depositus: poteras ire in infernum sine dispensatione, nunc ibis cum dispensatione.

Dubitatur II. Utrum, quando beneficia simplicia sunt compatibilia, & unum non sufficit ad congruam sustentationem, liceat tunc non tantum duo, sed tria, quatuor, vel plura obtinere?

Complures existimant, non licere sine dispensatione Apostolica ultra duo recipere, eo quod Trident. sess. 24. de Reform. c. 17. solummodo concedat, ut liceat aliud (quod verbum est singularis numeri) consequi, si unum non sufficiat. Barb. ad Trident. d. 6. 17. num. 4. & de Offic. & potest. Episc. p. 3. alleg. 62. per tot. Garc. de Benefic. p. 11. c. 5. n. 310. ubi refert, ita saepius censuisse S. Congregationem Concilii.

Verum probabilius alii cum Azorio p. 2. lib. 6. c. 11. q. 8. sustinent, non tantum duo sed, si duo non sufficiant, tria, quatuor, vel plura, usque ad congruam sustentationem si ne dispensatione obtineri posse: partim quia Concilium Tridentinum in cit. c. 17. non loquitur limitativè per particulas taxativas solum tantum, & similes, ac proinde non censeret voluisse coarctare Ordinarii auctoritatem ad conferendum secundum beneficium, ita ut nequeat conferre tertium, si duo ad sustentationem non sufficiant: partim quia idem juris esse videtur, quando tria, quatuorve competentem sustentationem non suppeditant, modò non plura, quam æquum sit, in eadem persona coacerventur. Quæ sententia præfertim in Beneficiis de jure patronatus Laicorum procedit: nam universalem praxin esse, ut Episcopus instituat præsentatos à Patronis, tametsi tertium, & quartum habent beneficium, testatur Lambert. de fure

*Patron.* p. 1. lib. 2. q. 7. c. 15. n. 15. *Barb.*  
*ad Trident.* d. o. 17. n. 8. *¶ contra Lambert.*  
§. VII.

**39** *Materio*, seu *Objetum Præbendæ*, ac *Beneficii* partim est *temporale*, & *profanum*, partim vero *spirituale*. *Profanum*, seu *temporale* sunt bona Ecclesiæ, hoc est, bona ac prædia Deo dicata, & Ecclesia pro dote donata, ex quibus redditus *beneficiales* percipiuntur. *Spirituale* est *Divinum officium*, quod *beneficio* annexitur, ejusque radix, ac fundatum est. *c. fin.* & *ibi DD. de Rescript. in 6.*

§. VIII.

**40** *Forma Præbendæ*, seu *beneficii Ecclesiastici* desumitur a *requisitis*, quæ plura:

*Primum* est, ut *Præbenda*, seu *beneficium Apostolicæ*, seu *ordinariæ auctoritate erectum* sit. *Gloss. in Clem. 2. in fin. V.* si *beneficiorum & ibi communiter DD. de Decimis. Dec. consil. 210. sub num. 4.* *Felin. consil. 41. num. 5.* & *consil. 45. num. 3.* Unde si quis *Anniversarium*, vel *certas missas*, aut *preces etiam in perpetuum fundet*, *Episcopi* vero *consensus*, aut *approbatio non accedit*, *beneficium* *nunquam erit*, sed *simpliciter plium legatum*, vel *donatio*, aut *simplex deputatio Sacerdotis*. *P. Engl. b. t. num. 1. ¶ dico 4. Pyr. Corrad. in Prax. benef. lib. 1. c. 2. num. 1. & seqq. Rot. in una Melphiten. Legati pii. de Anno 1529. coram Dunozero.* Consequenter neque *aliquod jus patronatus exinde queritur fundato-*

*m.: Rota dec. 161. num. 3. p. 2. in Recens.* neque *deputatus ad titulum ejusmodi donationis ordinari poterit*, & si in *majoribus necdum constitutus* sit, non *tenebitur ad Horas Canonicas*, utpote *neecdum beneficiatus*. *Pyr. Corrad. d. c. 2. num. 44.*

*Altioris inquisitionis* est: *utrum ad hoc*, ut *probetur existentia* *beneficii*, *necessaria* sit *justificatio auctoritatis Episcopalis expressæ*, *vel an sufficiat justificatio tacita?* Et videtur *sufficiere justificatio auctoritatis tacita*, quæ

videlicet elicitur ex actibus, qui non possunt accidere, nisi in *beneficiis Ecclesiasticis*, sed scienter, non ignoranter gestis. Quamobrem si *Episcopus consecraverit Ecclesiam*, *censetur illam in Ecclesiasticum beneficium erexisse*: cum *consecrationis actus repugnet statui privati Oratorii*, c. nemo. 9. de *Consecr. dist. 1. Panormit. in c. auctoritate. n. 2. de Consil. 2.* Similiter si *Episcopus sciens statum rei consecret aliquod altare, vel capellam jam fundatam, vel ordinatam per aliquem fundatorem*, *satis dicetur illud, vel illam in beneficium instituisse*, eò quod *actus conferendi in titulum perpetuum non possit cadere, nisi in beneficium Ecclesiasticum*. *Dec. consil. 248. Sub n. 2.* Econtra si concedat *duncata facultatem celebrandi missas in hujusmodi Capella seu altari*, illud vel illam nequaquam in *beneficium Ecclesiasticum erexisse*, aut *instituisse* *ensebitur*: cum *actus hic cadat etiam in privatis Oratoriis*, in quibus non potest celebrari nisi de *Episcopi licentia*. c. si quis etiam in *fin. de Consecr. dist. 1. Pyr. Corrad. in Prax. Benef. lib. 1. c. 2. n. 23. Panormit. in c. cult. sub num. 3. ¶ Oratorium vero de Censil.* Atque cum *hoc temperamento accipio Rebus*, in *Prax. Benef. sub ist. quid sit benefic. num. 8.* quando afferuit, in *dubio Capellam fundatam ad serviendum DEO*, licet non appareat de *approbatione Episcopi*, *præsumi beneficium Ecclesiasticum*.

*Secundum requisitum* est, ut *habeat aliquid spiritualitatis annexum*; quamvis enim *beneficium* sit *jus percipiendi redditus*, qui *per se res temporales* sunt, *debet tamen* *jus percipiendi redditus dari*, & *competere proprium officium Divinum*, & *spirituale ministerium* c. *fin. de Rescript. in 6. Pyr. Corrad. in Prax. benef. lib. 1. c. 3. n. 67.* Hinc *præbenda metet temporales*, v.g. *Musicorum, Advocatorum, aliorumve Ministrorum laicorum*, et si in *laciōni sensu præbendæ dicantur*, *beneficia*

erūt appellari nequeunt, & nunquam beneficiorum nomine intelliguntur, quoties de iis in genere sermo est. Panormit. p. 2. consil. 47. num. 1. Garz. de Benefic. p. 1. c. 2. num. 7.

22 Tertium est, quod beneficium conferri non possit, nisi à persona Ecclesiastica, puta à S. Pontifice, Episcopo, vel alio Prælato, nullo modo autem à Laico: tametsi enim laici ex speciali juris privilegio capaces sint juris patronus, vi cuius possunt aliquem Clericum pro suo placito ad beneficium præsentare, juris tamen conferendi beneficia, vel instituendi omnino incapaces sunt, cum id solummodo Prælatis Ecclesiasticis competat. c. si quis 12. & seq. c. per laicos. 20. c. laicos. 24. causā 16. q. 7. c. 3. de Inst. ubi laici ad conferenda beneficia Ecclesiastica simpliciter inhabiles declarantur. Proinde si aliqua Capellania, aut anniversarium ita fundatum sit, ut hæres, vel alius laicus sine institutione Episcopi ad talern capellaniam sacerdotem constituere possit, hoc ipso beneficium Ecclesiasticum non erit. P. Engl. b. t. num. 3.

23 Quartum requisitum est, quod beneficium conferri debeat Clerico: quandoquidem laicus incapax est beneficii Ecclesiastici, tanquam rei spiritualis, vel saltem spirituali annexæ. c. cum adeo. 17. & ibi Gloss. de Rescript. c. in Ecclesia. 2. de Inst. Ex quo sit, quod Clericus hoc ipso, quod matrimonium contrahat, & statum clericalem deserat, ipso jure beneficium perdat, nec obtainere possit. c. 1. 2. & 3. de Clericis conjung. deinde quod etiam ad hotam non possit laico beneficium concedi, quanquam immediate post vellet fieri Clericus. Gonzal. ad Regul. 8. Cancell. gloss. 2. n. 6. nec collatio laico facta superveniente postmodum Clericatu revalidetur, sed semper maneat invalida. Paris. de Resignat. benef. lib. 4. q. 2. n. 1. & 32. Garc. de Benef. p. 1. c. 2. n. 28. Carol. de Grassi. de Effect. clericat. effect. 15. n. 1. & 9.

Quintum requisitum est, ut beneficium sit perpetuum, & ut non conferatur ad certum tempus, nec sub conditione, sed regulariter ad vitam Beneficiati per ext. in c. sanctorum. 2. dist. 70. c. penult. de Clerico agrot. ac propterea in c. 2. & 4. h. t. constitutum est, ne Clericus sine titulo, vel sine beneficio ordinetur, unde scilicet toto vitæ tempore habeat sustentationem. Hæc tamen perpetuitas non obstat, quia beneficia regularia, & ea, quæ manualia dicuntur, sint verè beneficia: quod enim illorum beneficiati sunt tantum manuales, & ad nutum superioris etiam absque legitima causa amovibles, id non habent ex sua institutione, ex qua illis competit perpetuitas, sed ex privilegio, ac ex eo, quod is, qui ita obtinet, Superiori quoad officia, habitationem, & vitæ directionem subjectus sit. Layman in Theol. moral. lib. 4. tr. 2. c. 1. Verum illud fateamur oportet, quod beneficium manuale non sufficiat pro titulo ad sacros Ordines suscipiendos: Paris. de Resignat. benef. lib. 2. q. 6. num. 2. & 3. Garc. de Benef. p. 1. c. 3. num. 83. cum ctitatis: nec Beneficiatus manualis possit intitulari, seu, ut Practici loquuntur, investiri, quandoquidem intitulatio repugnat manu-

litati.

Disceptatur I. Utrum nomine beneficij Capellania veniat? Pro resolutione.

Pramitto I. Capellaniam esse onus celebrandi annuatim missas ad certum altare à Testatore, vel alio Institutore designatum cum jure recipiendi stipendum pro labore ad sustentationem Capellani.

Pramitto II. Capellaniam aliam esse Ecclesiasticam, aliam laicalem. Ecclesiastica dicitur, quæ à Patrono proposita pro celebratio-ne Missarum auctoritate Episcopi erigitur in titulum, ab eodem, vel alio Prælato conferendum Clerico apto ad celebrandum: Lai- calis est, quæ sine auctoritate Episcopi à Te-

sta-

statore, vel alio instituta confertur ab illis, vel eorum hæredibus, aut aliis Sacerdoti, qui assumit onus, & obligationem celebrandi missas secundum intentionem Fundatoris. Illa collativa, hæc electiva, seu simplex capellania indigitatur. Suarez lib. 4. de Horis Canon. c. 22. n. 11. Castro Palao de Benef. disp. I. p. 6. per 202. Quibus præmissis.

Respondeo, Capellaniam Ecclesiasticam, cum habeat omnia requisita ad beneficium Ecclesiasticum, nomen beneficii mereri, ideoque ealem Capellaniū teneri ad recitandum Divinum officium: Garc. de Benef. p. I. c. 2. n. 81. Navar. consil. 5. & 7. b. t. & gaudere privilegiō fori juxta Trident. sess. 23. de Reform. c. 6. ubi Barb. num. 16. Jacob Pignatell. tom. 3. consult. 7. n. 15. Capellaniam vero laicalem, seu electivam, ex quo non est fundata auctoritate Episcopi, & non ab eo, aut alio Prælato habente jura quasi Episcopalia, sed ab aliis etiam laicis confertur, beneficii accenseri non posse, ac proinde nec obligationem recitandi Horas canonicas, nec privilegium fori secumferre. Diana. p. I. tr. 2. resol. 31. Bordon. de Privil. fori cleric. c. 5. n. 25. Rota p. 2. dec. 254. Addo tamen, Capellaniam in dubio, & si non constet, qualiter initio fuerit instituta, præsumi esse beneficium Ecclesiasticum, maximè si appareat de aliqua collatione ab Episcopo facta: nam ultimus status attendendus est juxta c. cum de beneficio. 5. b. t. in 6. nec præsumendum, Prælatum sibi usurpasse jus alienum. Merlin. dec. 501. n. 7. cum Gonzal. gloss. 5. n. 50. Garc. de Benef. p. I. c. 2. n. 113. Pyr. Corrad. in Prax. Benef. lib. I. c. 2. n. 58. & 59. Secus, si clarè constaret de anteriori statu laicali. Rota p. 5. Recen. tom. I. dec. 238. n. 2. Bordon. de leg. missar. c. 6. num. 16. & 39. Garc. cit. c. 2. n. 115. & seqq. Pyr. Corrad. cit. n. 59.

26 Dilectetur II. Num Commenda propriètate beneficium, seu præbenda Ecclesiastica?

Videtur negare Glossa in c. qui plura: causā 21. q. 1. quatenus ait, Commendarium non esse Prælatum, sed solum Procuratorem, & Depositarium beneficii: commenda namque est quasi depositio, seu commendatio beneficii, dum nimis non confertur in vim absoluti tituli, sed illius duntaxat administratio committitur per c. obitum. 16. & c. Catinensis. 17. dis. 81.

Ego distingo inter commendam temporalem, & perpetuam. Temporalis est, que fit propter utilitatem Ecclesiae ad tempus; puta quia Parochus, aut Beneficiatus propter temporale impedimentum obligationis sua satisfacere nequit, quo casu non tantum S. Pontifex, sed etiam Episcopus, vel Abbas Jurisdictionem quasi Episcopalem habens jus Ecclesiae alteri ad tempus commendare potest, modò Ecclesia parochialis non ultra sex menses commendetur. c. nemo 15. de Elect. in 6. Et hæc commenda, seu vicaria temporalis, beneficium dicere non potest. Desselb. h. theor. 17. Jacob Pignatell. tom. 3. consult. 7. num. 16. Perpetua dicitur, quæ non tam propter necessitatem aut utilitatem Ecclesiae, quam in favorem personæ conceditur cum facultate disponendi de beneficio, & fructibus beneficii instar veri beneficiati. Quæ commenda verum beneficium est, cum sit titulus canonicus: Gloss. & DD. in d. o. nemo V. commendare de Elect. in 6. Rota p. 3. dec. 765. num. 5. & ideo inventa, ut alias inhabili ad titulum beneficii (sicuti est existens in minori ætate, vel habens beneficium incompatibile, aut Clericus secularis respectu beneficii Regularis, Abbatiae, vel Prioratus) saltem sub commenda idem beneficium conferri valeat. Rebuff. in Prax. benef. tit. de Commenda. num. 7. Hodie de incompatib. benefic. p. I. c. 24. num. 15. in fin. Fagnan. in c. cum ad nostram. num. 3. de Elect. Barb. J. E. U. lib. 3. c. 9. num. 24. ubi commendam per-

petuum appellat dispensationem palliatam ad obtinendum beneficium aliquod alioquin respectu talium personarum obtineri prohibitum. Atque ea de causa hæc commenda à solo S. Pontifice concedi potest, ut qui solum potest dispensare super tali inhabilitate. Trident. sess. 7. c. 4. sess. 24. c. 17. de Reform. & sess. 25. c. 21. de Regularib.

Nec hisce sic dictis refragatur Gloss. nam sententia ejus locum habet in beneficio commendato ad tempus, & hanc esse illius intentionem, ex textibus c. 16. & 17. diff. 81. quos citat, apparet. Et verò Commendationum perpetuum propriè salutari Prælatum, decidit Rota dec. 346. num. 2. p. 3. Divers. nec esse solum Procuratorem, aut depositarium, sed dominum fructuum, sicut alios titulares, inuita forma commendationis, de qua Rebuffi. in Prax. Benefic. tit. de Commend. num. 28. & de Pacif. possess. num. 43.

27. Disceptatur III. Utrum præstimonium beneficis adnumerari debeat?

Ita statuit Gonzal. ad Reg. 8. Cancell. gloss. §. 2. num. 10. Azor. Institut. moral. p. 2. lib. 3. c. 7. q. 1. & cum his Castro Palao p. 2. tr. 13. de Benef. Eccles. diff. 1. punct. 7. eò quod sub nomine beneficii comprehendatur tum in t. fin. de Concess. præb. in 6. tum in Trid. sess. 14. c. 9. & sess. 23. c. 18. de Reform. Quod & ipsa nominis ratio & definitio indicat: quippe præstimonium dicitur, quia datur munium, seu obsequium præstanti, estque certum aliquid stipendium ex Ecclesiasticis redditibus Clericis studentibus in subsidium dari solitum & quidem propter officium spirituale, cùm sic præstimoniali Horas Canonicas recitare teneantur. Navarr. c. 21. de Orat. n. 9. Sotus de Jus. lib. 10. q. 5. art. 3. Suarez lib. 4. de Hr. Can. c. 22. n. 8. Interim si præstimonium non detur in titulum, sed ad certum tempus, vel si detur absque onere spirituali, naturam beneficii proprii non participat, de

KÖNIG IN DECRET. LIB. III.

quo præstimonii genere accipiendi sunt Pannorm. & Felin. in c. postulati. num. 8. de Re-script. Gigas de Pension. q. 28. num. 5.

Disceptatur IV. Anne pensio, id est, jus exi-28 gendi certos fructus ex alieno beneficio, pro beneficio habenda sit?

Affirmant Paulus Roman. de Pensionibus c. 6. n. 34. & c. 7. n. 16. Fagnan. in c. ad audi-29 entiam. 31. de Re-script. num. 131. ubi asserit S. Congregationem die 18. Decemb. 1576. declarâisse, Pensionarium censeri beneficiatum ad effectum gaudendi privilegio fori. Primo propter text. in d. c. ad audi-29 entiam. ibi: recipientes ab eis pensiones, seu alia beneficia pronomen enim alia similia denotat. Mernoch. lib. 1. de Arbitr. q. 80. n. 122. Secundo quia pensio in titulum data dici potest jus per-30 petuum percipiendi fructus, ex quo non finitur durante vita Pensionarii, quæ autem pro tota vita conceduntur, perpetua reputantur.

Nihilominus verius censeo, pensionem Ecclesiasticam beneficium non esse, neque sub illius appellatione contineri: primo propter text. in c. quamvis. b. t. in 6. ibi: non in pensione, sed in Beneficiis Ecclesiasticis volu-mus providere. Secundo propter multipli-31 cem rationem: tum quia beneficio adnexa est obligatio recitandi Horas Canonicas, non pensionibus: tum quia pensio oritur ex beneficio, ergo non habet rationem beneficii, quod ex alio non nascitur: tum quia jus per-32 cipiendi fructus ex alieno beneficio extingui-tur morte Pensionarii, morte verò Beneficia-rii non extinguitur beneficium, utpote ex sua natura perpetuum. Ita Garc. de Benef. p. 1. c. 5. n. 3. Azor. Institut. moral. 2. p. lib. 3. c. 5. q. 2. & lib. 8. c. 5. q. 4. & 5. Carol. de Graff. de Eff. Clericat. eff. I. n. 1205. cum innumeris citatis.

Nec contrarium persuadere possunt argu-33 menta Affirmantium: etenim textum in c. ad audi-34 entiam. quod attinet, dictio alia non

sem-

G

semper est repetitiva ejusdem qualitatis, idque solum verum est, si materia subjecta eandem qualitatem exigere videatur, & non sit materia odiosa, ac strictæ interpretationis, nec conjecturæ aliud subinnuant. Alias prædicta particula accipitur tantum disjunctivæ, absque eo, quod eandem qualitatem repeatat, ut in *e. Novarianus 6. V. alios Pseudo-Episcopos, causâ 7. q. 1.* Ad secundum respondeatur, perpetuitatem, quam exposcit beneficium, non esse referendam ad personam, sed ad naturam ipsius beneficii, quod mortuo Beneficiario non exspirat, quemadmodum pensio mortuô Pensionariô, sed solum vacat, donec alius substituatur.

An Coadjutoria sive temporalis, sive perpetua appellatione beneficij intelligatur, alibi discutiemus.

#### §. IX.

**39.** Finis Præbendæ, seu beneficij est compensatio muneris clericalis: nam propter officium datur Ecclesiasticum beneficium. *c. fin. de Rescript. in 6.*

#### §. X.

**40.** Effectus Præbendæ, seu beneficij est perceptio reddituum: sunt enim beneficiati solum beneficiorum quasi usufructuarii habentes jus percipiendi fructus ex illis. Quorum aliqui requiruntur ad honestam sustentationem ipsorum, alii verò superflui sunt, seu supra ipsorum honestam sustentationem redundant.

Opportune hic queritur: quæ sit congrua ac honesta sustentatio Beneficiatorum? Et quidem Lugo *de J. & J. disp. 4. sect. 4.* cum communi docet, eam esse congruam sustentationem, quæ necessaria est ad honorabilem suæ personæ, & familiæ alimoniam, juxta conditionem statutis, dignitatis, qualitatis, & regionis. Primo ergo requiritur competens cibus, potus, & vestitus: item habitatio comoda cum suppellectile necessaria. Menochia

Tusch. & alii, quos refert Barb. *de appellativa Verb. signif. V. alimenta.* Secundo veniunt medicinæ, & pharmaca ad curandos morbos tam Beneficiati, quam suorum domesticorum. *l. si cum dotem. §. si autem & ibi Bartol. n. 9. ff. Solut. matrim. Tiraquell. tr. de Nobilit. c. 31. n. 395.* Tertiò debita Hospitalitas, non solum illa, quæ sit erga pauperes, & peregrinos, quam apprimè Clericis commendat Trident. *sess. 25. de Reform. c. 8.* sed etiam hospitalitas urbana juxta Patria consuetudinem, intra limites tamen temperantia, modestia, & frugalitatis. P. Engl. *infra de Pecul. Cleric. num. 9.* Idem est de honestis, & legitimis re-creationibus cum amicis, & consanguineis. Molin. *de J. & J. tr. 2. disp. 145. Quar. ad eandem sustentationem rectè imputantur donationes remuneratoriaæ ob accepta ab aliis beneficia, & obsequia, immo etiam donationes liberales in quantitate moderata.* Sanchez *lib. 2. Consil. c. 2. dub. 41. n. 2.* Nomine verò familiæ, quam beneficiatus alere debet, intelliguntur in primis Parentes, Fratres, Sorores, quando pauperes sunt, juxta statutum suum. Lugo *d. sect. 4. n. 20.* Deinde officiales, famuli, ancillæ: item equi pro usu & communitate secundum qualitatem beneficij, & dignitatem personæ, modò servetur moderatione pro decentia statutus Ecclesiastici. Roland. à Valle *consil. 74. num. 19.* Bald. *consil. 221. Dec. consil. 545.* Ceterum qualis sustentatio desideretur pro Episcopo, pro Canonico Comite, vel Barone, aut pro Parocho nobili, vel Graduato? ex usu, & consuetudine Virorum, qui sunt ejusdem conditionis, ac timoratæ conscientiae, desumendum esse, post Molinam *d. disp. 145. n. 13.* tradit P. Engl. ubi supra.

Magis dubius, & in utramque partem voluntabilis articulus est: num decedente Beneficiario, fructibus pendentibus, ac non dum perceptis, divisio fructuum inter ejus hæres, des.

des, & successorem beneficij pro rata temporis feri debeat?

Prima sententia contendit, tales fructus, præsertim civiles, pro rata temporis dividendos esse, ita ut, si defunctus possedit beneficium, ejusque onera sustinuit quartam parte postremi anni, hæredes ejus recipiant quartam partem fructuum ejusdem anni, reliquum verò fructuum successor in beneficio sibi vendicit. Covar. var. resol. lib. 1. c. 15. n. 12. in fin. Gonzal. in c. 4. n. 7. de Offic. Ordinar. Zerol. in Praxi Episc. p. 1. V. beneficium. ad 6. Garc. de Benefic. p. 2. c. 1. n. 96. cum citatis. Ratio punctualis est, quia beneficium datur propter officium, id est, propter onera, & servitia. c. cum secundum b. t. c. fin. de Rescript. in 6. adeoque sicut fructuum dotis inexactorum inter maritum & uxorem, eorumque amborum hæredes fit divisio pro ea parte anni, in qua maritus subiit onera matrimonii. l. divorcio. ff. Soluto matrim. ita æquum est, ut etiam inter Successorem & Beneficiati defuncti hæredes fiat divisio fructuum pro rata, & parte anni, pro qua sustinuit onera beneficij: siquidem insignis convenientia est inter conjugium corporale, & spirituale, eorumque onera. c. 2. de Translat. Episc. Panormit. in c. cum esses n. 13. de Testam.

Quamvis verò annus, de cuius fructibus dividendis agitur, ad hoc, ut sciatur, pro qua parte maritus fructus lucretur, non incipiat, ut alii anni incipere solent, à Calendis Januarii, aut alia die notabili, ut S. Michaëlis, vel S. Joannis Baptiste, sed à tempore celebrati matrimonii, & dotis traditæ. Text. & DD. in d. l. divorcio. in pr. & l. de divisione. ff. Soluto matrim. Valasc. in Prax. partition. & collation. c. 29. n. 2. attamen in dividendis fructibus beneficialibus, tempore mortis Beneficiarii nondum perceptis, annum à mense Januario inchoandum esse, tradunt Annaeus Robertus, lib. 3. rer. judicat. c. 4. Chopinus,

Lovetus, Baquet, Papo, & cum his Joann. Cabassutius in Praxi Juris Can. lib. 2. c. 26. num. 6.

Altera, & in puncto juris verior sententia statuit, omnes fructus pendentes, ac nondum à solo separatos, & redditus inexactos ad Beneficij successorem pertinere. Gloss. & DD. in c. si propter de Rescript. in 6. Navar. in Apolog. de Redditib. q. 2. monit. 13. Petr. Barb. in d. l. divorcio p. 2. n. 57. ff. Soluto matrim. Rot. dec. 19. n. 5. & 6. p. 6. in Recent. Jacob. Pignatell. tom. 4. consult. 126. n. 6. per textus egregios in c. cum vos plerumque 4. de Offic. Ordin. c. præsentि. Eod. in 6. c. quia sape de Elec. in 6. Clem. statutum 7. & Extravag. suscep. Eod. in quibus habetur, beneficiorum fructus, & bona vacationis tempore undecunque obvenientia integrè Ecclesiae, vel Successoribus esse reservanda. Quod apertâ ratione constat: quia jus percipiendi fructus sive naturales, sive civiles in defuncto finitur, & Beneficiarius usufructuario comparatur, qui non facit fructus suos, nec eos transmittit, nisi quos in vita percepit, l. si usufructuarius. 13. ff. Quib. mod. usufr. amitt. Sperrall. dec. 82. n. 9. & 10. Gloss. in c. præsentि. V. reservari. de Offic. Ordin. in 6. Hic consonat Constitutione 7. Julii III. publicata Anno 1550. & confirmata ab Urbano VIII. die 5. April. 1628. juxta quam pendentes, & inexacti beneficiorum fructus, ubi non spectant ad Cameram Apostolicam, ad Successores, non ad hæredes pertinent, etiamsi majorati fuerint tempore demortui Beneficiarii, dummodo realiter, & cum effectu non sint percepti, & aliis propriis bonis non incorporati: aut licet per Beneficiarium non sterterit, quod minus illos exegerit, immo etiamsi omnem diligentiam pro eorum exactione judicialiter adhibuerit; ut refert Passerin. ad d. c. præsentि. num. 17. Atque hanc constitutionem in toto orbe Christiano jus

facere, adeò ut priori sententia non sit ulterius insistendum, post alios testatur Alex. Sperell. d. deo. 82. num. 11. & ex hac inexactis debitib⁹ occasione fructuum perceptorum à conductorē, controversiam decidit Rota in una Romana, seu nullius pecuniaria. 4. Junii, & 19. Novemb. 1593. coram de Pegna.

Neque valet argumentum à Marito ad Beneficiarium: quia in Marito causa immediata acquirendorum fructuum dotalium sunt onera matrimonii, & ideo meritò pro rata onerū fit divisio: in beneficio autem causa immediata acquirendi fructus est titulus canonicus juxta c. 1. de R. f. in 6. Petr. Barb. in l. diuertio p. 2. num. 44. ff. Soluto matrim. qui tam n. 58. & neque cum Navar. in Apolog. 2. q. monitu 12. in fin. etiam recte monet, ne Beneficiarius illo anno, quo decepsit, & nullos fructus percepit, beneficio sine ullo emolumento inservisse videatur, ejus hæredibus solvendum esse honestum salarium pro modo servitii, & quantum ad honestam sustentationem mortuus habere debebat, prout & fructuario decedenti pendentibus fructibus solvuntur impensæ, quas circa illos fecit. Bald. in l. Pater in fin. C. de Usufr.

Verum, ne quid dissimilem, aliud passim practicari scio, & fateor, omnino servandam esse consuetudinem Regionis, si secundum eam fructus beneficii pro rata inter hæredes Beneficiarii, & Successorem in beneficio dividantur, dummodo hujusmodi consuetudo legitimè probetur. Rota dec. 529. n. 3. & 29. dec. 722. n. 7. p. 4. tom. 3. Recent. Cæsar. de Panimoll. dec. 20. aduot. I. n. 19.

## Pars II. De Dignitatibus.

### SUMMARIA.

32. *Dignitatis diversa acceptio.* 33. *Definitio.* 34. usque 44. *Multiplex divisio.* 44-45. *Origo & causa efficiens.* 46. *Subiectum.* 47. *Materia,* seu

*objectum.* 48. *Forma,* seu *requisita.* 49. *Finalis.* 50. *Effectus,* ac *emolumenta.*

### §. I.

**N**omen dignitatis diversimodè usurpatu⁹ non tantum in jure Civili, quō aliquando accipitur pro famā, ac estimatione. l. un. C. de Infamib. l. milites. 3. C. de re milit. quandoque pro conditione. l. nepos autem. 125. in fin. ff. de V. S. alibi aliter, ut notat Cassianus in Catalogo glor. mundi. p. 1. consil. 66. sed & jure Canonico, quō adeò latè nonnunquam patet, ut omnes Clerici dignitatem habere dicantur. c. denique dist. 4. c. si quis post dist. 51. c. reperiuntur causā l. q. 1. Specialiter vero denotat omnem administrationem rerum Ecclesiasticarum, cui vel cohæret jurisdictio aliqua, vel potestas. Gloss. in c. 1. de Consuet. in 6. Panormit. in c. de multab. t. v. saltē præminentia, id est, gradus connexus administrationi. Panormit. loc. cit. n. 23. ad fin. t. puto, quod officium. in qua acceptance.

### §. II.

Definitur dignitas, quod sit Ecclesiastica, prærogativa, quæ cuique autoritatem conciliat, & singulare nomen, ac titulum tribuit.

### §. III.

Dignitatis divisiones variis varia attulerunt: omnium autem maximè generalis ea est, quæ alia dicitur *secularis*, alia *regularis*.

Dignitatis *secularis* non tantum multæ species infinitæ, sed etiam classes, & gradus numerari possunt, & distinguuntur. Primam gradum constituent supra dignitatum culmina: *Papatus, Cardinalatus, Patriarchatus, Primatus, Archi-Episcopatus, & Episcopatus;* quæ dignitates *majores* vocantur, & communis appellatione *beneficiarum*, præterim in penalibus, aliisque strictæ interpretationis Canonibus comprehendi non solent. Layman in Theol. mor. lib. 4. tr. 2. 6. 4. n. 4.

Papatu impropriè quidem beneficium dicitur, ex quo Pontifex Superiorum in terris non recognoscit, cui beneficium in acceptis ferat. Rebuff. tit. *sæcularia beneficia quotuplicia*. n. 13. prima tamen, & apex omnium dignitatum est. c. non decet. I. dist. 12. c. quamvis 3. c. nunc autem 7. dist. 21. c. in nomine Domini I. dist. 23. c. dudum causâ 3. q. 6. c. nemo 13. causâ 9. q. 3. Quod & Concilium Florentinum in hunc modum definit: *Definimus, Sanctam Apostolicam Sedem & Romanum Pontificem in universum Orbem tenere primatum, & ipsum Pontificem Romanum Successorem esse B. Petri Principis Apostolorum, & verum Christi Vicarium, totiusque Ecclesia Caput, & omnium Christianorum Patrium, ac Doctorem existere, & ipsi in B. Petropastendi, regendi, & gubernandi universalem Ecclesiam à Domino nostro JESU CHRISTO plenaria potestatem traditam esse.*

35 *Cardinalatum præcellentem dignitatem*, esse, notius est, quā ut dici deceat: Sunt enim Cardinales consultores, fratres, & coadiutores Romani Pontificis. c. *fundamenta* 17. §. *decet de Elest. in 6.* atque ex his quidam sunt *Cardinales Episcopi*, quidam *Cardinales Presbyteri*, aut *Diaconi*, certis Titulis inter se distincti, in quibus jurisdictionem Episcopalem habent. c. *bis qua 11. de Majorit. & obed.* Canil. in *Summ. Juris Can. lib. 1. tit. 1. §. 5.* 36 *Patriarchatus* est veluti prima sedes, seu major alicuius Regni: nam Patriarchæ, sic dicti quasi Patres Principum, & Prælatorum. c. *cleros. 1. y. Patriarcha. dist. 21.* non tantum plures Episcopos, sed etiam Archi-Episcopos sub se habent. c. *nulli 2. dist. 99. c. duo simul. 9. de Offic. jud. ordin.* Unde in signum tante eminentiae ubique ante se crucem deferre possunt, quod Archi-Episcopis nonnisi in sua Provincia licet. c. *antiqua. 23. & Clem. Archi-Episcopo. 2. de Privileg.* Horum alij

salutantur *majores*; quales erant *Constantinopolitanus*, *Alexandrinus*, *Antiochenus*, ac *Hierosolymitanus*, d. c. *antiqua 23.* qui potestati Christianorum per potentiam Turcarum subtracti sunt. P. Engl ad tit. *de Majorit. & obed. n. 24.* Alii minores; ut sunt Patriarcha *Aquilejensis*, *Venetus*, *Ethiopicus*, & *India*rum; quos tamen propriè Primates esse, vult Barb. *de appellativa Verb. Jur. signif. appellat. 189. ad fin.*

*Archi-Episcopatus* prælunt *Metropolitani*, 37 aut *Archi-Episcopi*, inter quos hodie vel nulla vel nonnulli modica intercedit differentia, cum *Archi-Episcopivocentur*, quod quasi sint *Principes Episcoporum*. c. *Cleros. 1. y. Archi-Episcopus. dist. 21.* *Metropolitanus* vero à mensura civitatum, ac multitudine *Dioecesis* um Episcopatum, juxta idem c. *Cleros, y. Metropolitanus*. Petr. Gregor. Tholosan. in *Syntagma. juris lib. 15. c. 11. n. 2.* Azor. *Instit. moral. p. 2. lib. 3. c. 33. q. 4.* Quamvis fieri possit, ut quis sit *Archi-Episcopus*, non *verò* *Metropolitanus*, quando scilicet nullum sub se habet Episcopum suffraganeum, sicut non habent Rossanensis, & Lancianensis *Archi-Episcopi*. Barb. *J.E.U. lib. 1. c. 7. n. 7.* *Archi-Episcoporum nonnulli*, qui majores Metropoles regunt, *Primates nominantur*, ut in Hispania *Toletanus*, in Anglia *Cantuariensis*, in Gallia *Bituricensis*, & *Gradensis*, in Italia *Aquilejensis*, & *Pisanus*, in Germania *Celsissimus noster Salisburgensis*. Petr. Gregor. Tholos. cit. lib. 15. c. 10. *de Primatebus*. P. Engel ad tit. *de Majorit. & obed. num. 23.*

*Episcopus* hic significat præcedentiam, & 38 præfecturam, quā *Episcopus Clero*, ac *Popolu* præst; quoniam, ut S. Augustinus relatus in c. qui *Episcopatum 11. causâ 8. q. 1.* ait, *Episcopatus græcum est*, atque inde ductum vocabulum, quod ille, qui præficitur, eis, quibus præficitur, superintendit, curam eorum sci-

scilicet gerens: *Epi* enim græcè super, & *scopus* idem est, quod intentio. Hinc & Episcopus *ibid.* *Superintendens*, & in c. *Cleros* 1. v. *Episcopatus*, *diss.* 21. *Speculator* appellatur, nimirum ab offici ratione, quæ postulat, ut tanquam è specula attendat, ne cœtu sibi commisso damnum aliquod immineat.

39 Ad secundum gradum pertinent dignitates inferiores, puta *Archidiaconatus*, *Archipresbyteratus*, *Vicariatus generales* &c. de quibus speciales Tituli extant in Lib. I. Item etiam *Præposituram*, *Deaconatum*, & *Frimiceriatum*, eccleris paribus, nomina dignitatum esse, testatur *Cardinalis Tuschus Conclusus*, *præct. lit. D. concl. 419*. Ideo autem has dignitates inferiores in speciali gradu colloca mus, quia in rescriptis, & reservationibus Papalibus, & universem in materia strictæ interpretationis nomine dignitatum, vel in dignitate constitutorum, solum istæ dignitates inferiores intelliguntur, non verò *Episcopatus*, & aliæ superiores, quæ speciale mentionem merentur arg. c. *dilectus 12. de Concess.* *Prab. Card. Tulchus lit. D. concl. 428*.

40 Tertiū gradum tenent *Personatus* & *Officia Ecclesiastica*; quæ latius accepto vocabulo ad priorem quoque gradum dignitatum inferiorum revocari possunt. Nihilominus si propriè loquamur, *Dignitas*, *Personatus*, & *Officium* inter se distinguunt, sibique mutuo opponuntur, ut appareat ex supradictis n. 6. Porro *Canoniciatus* huc non spectant; quanquam enim *Canonici Ecclesiarum Cathedralium singularem* præ aliis *Beneficiatis* prærogativam habeant propter suffragium, & facultatem eligendi *Episcopum*, atque etiam *Prælatis*, seu in dignitate constitutis æquiparentur in eo, quod à Sede Apostolica causæ ipsi committi, & delegari queant juxta c. *statutum. 11. de Rescript. in 6.* absolutè tamen *Canoniciatum Ecclesiæ* etiam *Cathedralis* non esse dignitatem propriæ, sed beneficium sim-

plex, cum communi docet *Navar. de Simon, consil. 97. Pirrhing h. t. n. 12.*

Inter *Dignitates Regulares* primum, acq præcipuum locum occupant *Abbatia*, & *Præpositura Regulares*: quia eas obtinentes perpetuam jurisdictionem circa personas, & universalem administrationem circa res Monasterii habent, atque nomine *Prælatorum Ecclesiæ* in jure *Canonico* gaudent. c. *decreto mas 2. de Judiciis c. præsentis 9. de Offic. Ordin. in 6.* Unde etiam immediatè *Episcopum* sequuntur, & tam in Conciliis generalibus, quam alias præcedunt *Canonicos Ecclesiarum Cathedralium*, aliisque in dignitatibus inferioribus constitutos. arg. c. *si quis deinceps 12. causà 16. q. 7. Panorm. in c. ex ore. n. 3. de Privileg. P. Engl de Major. & obd. n. 62. & Ego n. 12.* Huc revocari possunt *Generalatus*, & *Provincialatus* Ordinum Regularium.

Secundum locum habent *Prioratus conuentuales*, ut *Prioratus Eremitarum S. Augustini*, *Carmelitarum* &c. quia *Priores Conventuales* *Conventui Religiosorum* præficiuntur, & curam universalem tam spiritualem quam temporalem in Prioratibus obtinent modo, quo *Abbates* in Monasteriis; quapropter etiam *Abbatibus* æquiparantur in c. *fin. de Regularibus*. & à Sede Apostolica *Judices* dari, & causæ ipsis delegari possunt. *Clem. eti principialis 2. de Rescript.* Item dicuntur absolvī à Monachatu, in tantum scilicet, ut omnia, quæ acquirunt non suo Monasterio, sed tali Prioratui acquirant. Neque interest, utrum hujusmodi *Priores* elegantur, vel per alium, v.g. *Abbatem suum* constituentur. d. *Clem. eti principialis in fin. Tusch. Præct. conclus. lit. P. conclus. 708.* His similes sunt *Rectores*, *Guardiani*, vel quo cunque alio nomine vocati *Regularium Superiores*, qui nullum alium Monasterii sui Superiorum agnoscunt, nisi *Provincialem*.

vel Generalem, sicut Abbates non exempti Episcopum. Donat. in *Prax. Regul.* tom. 2. n. 9. q. 4. Clariss. P. Jacob. *Wex de Pralat.* *Regul.* p. I. c. I. n. 13.

43 Tertium locum obtinent Prioratus claustrali: sunt enim Priors claustrales primi post Abbatem juxta c. cum ad Monasterium s. Prior de Status Monach. quia tamen Abbatii Monasterii, in quo Religiosis præfeti sunt, habiuntur, nec usiueralem Monasterii curam habent, sed tantum in iis, quæ claustrum ac Regulam Monachalem concernunt, non centenar positi in dignitate Ecclesiastica juxta Clem. eti principalis. 2. de *Rescript.* Azor. p. 2. lib. 3. *Instit. moral.* c. 20. His Silvester V. *Pralatus num.* 2. & Donat. in *Prax. Regul.* tom. 2. tr. 9. q. 6. accensent Sub-Priors, qui subiunt Priori conventuali, Vicarios Conventuales in Ordine Patrum Franciscanorum, ac Ministros subjectos Rectoribus, seu Prælati localibus, eò quod hi vel nullam, vel solū delegata habeant jurisdictionem.

#### §. IV.

4 Causa efficiens Dignitatis Ecclesiasticæ est vel remota, vel proxima.

Remota est jus partim Divinum, partim Ecclesiasticum: utriusque enim ut aliorum beneficiorum, ita Dignitatum origo adscribi potest per tradita num. 12.

Proxima alia est Pontificatus, alia aliarum Dignitatum.

Pontificatum instituit Christus & non aliud juxta Matth. c. 16. v. 16. & seqq. ubi Petro profenti, eum esse CHRISTUM Filium DEI vivi, dixit: Beatus es Simon Bariona: quia caro & sanguis non revelavit tibi, sed Pater meus, qui in Cœlis est. Et ego dico tibi quia tu es Petrus, & super hanc petram edificabo Ecclesiam meam. Quamobrem in c. omnes 1. dist. 22. traditur, illam verò, scilicet Romanam Ecclesiam, solus ille fundavit, & super petram fidei mox nascentis

erexit, qui Beato aeterna vita Clavigero terreni simul, & celestis Imperii Fura commisit. Neque fuit unquam Catholicus, qui dubitaverit, quod minus Christus illis verbis Præmatum Petri in Ecclesia pro eo, ejusve Successoribus, Romanis Pontificibus constituerit, ut perspicue probat Suarez in defensione fidei Cathol. lib. 3. c. 10.

Aliæ Dignitates à S. Pontifice proficiscuntur, & quidem dignitates ordinis, id est, Collegii Ecclesiastici ipse solus instituere potest per d. c. omnes. 1. dist. 22. idque propter pri-matum, & eminentiam potestatis super universas Ecclesias, ac totum Christiani populi gregem sacrosancta Romana, & Apostolica Ecclesia obtinuit, non ab Apostolis, sed ab ipso Christo Domino Salvatore nostro. c. non ergo 2. dist. 22. Hinc non tantum si agatur de nova erectione Sedis Episcopalis, sed etiam Abbatia, Præposituræ, vel alterius cuiusvis dignitatis, Ordinis, seu collegii, ea ad solūm S. Pontificem spectat per textum notoriū & Gloss. in d. c. omnes 1. V. omnes. Pyr. Corrad. in *Prax. Benefic.* lib. 2. c. 2. n. 28. ubi asserit, ita in Curia Romana observari. Quod intelligendum de dignitate nova, non de restauratione antiquæ: quæ forte extincta erat: cùm enim facilis sit redditus ad statum pristinum, restauratio ejusmodi fieri potest vel à Canonice cum autoritate Episcopi: Panormit. Imola, & alii in c. cùm olim. 6. de Consuet. vel ab Episcopo cum consensu Capituli. & modò congrua dos reassignetur. Felin. in c. cùm accessissent. n. 14. & seqq. de Constitutio-nib. Pyr. Corrad. d. c. 2. n. 30. & seqq.

#### §. V.

Subjectum dignitatis Ecclesiasticæ est is, cui confertur: Ut verò alicui conferri possit, oportet, ejus esse capacem; ut autem conferri debeat, requiritur præterea, ut etiam sit dignus. Quinam capaces sint, colligitur ex dictis ad tit. de Postulatione, de Electione, & de Aëstat.

qua-

qualit. & Ord. præfis. Quinam digni, in tanta dignitatum varietate vix quicquam certi determinari potest. Alexander II. in c. ex multis. 9. ¶ nec elegant causâ 1. q. 3. illos dignitatibus ad moveri præcipit, qui moribus, & disciplina, atque scientiâ divites sunt, gravissimè increpat in pr. ejusd. can. Lucensis Ecclesiæ Clerum, quod nulli unquam Clerico, quamvis Religioso, quamvis scientiâ, & moribus prædicto, Ecclesiasticum beneficium concederet, sed solum ei, qui profano pecunia munere illud emere studuisse: Et Gregorius IX. in c. penult. h. t. in collatione beneficiorum in Ecclesia virtutes (quæ maximè nobilitant e. nunquam 4. dist. 56. atque clarificant e. penult. de Consec. dist. 5.) & vita honestatem potius, quam ullam generis nobilitatem attendi debere statuit, etiam in Ecclesia, quæ non nisi nobiles admittere consuevit. Ego velim, ut quiaad dignitates aspirat, rationem ineat, quid valeant humeri, quid ferre reculent: & illud Poëta expendat:

Ut gravis est gemmis, sic est gravis insula curis.

Dumque regit, rutum non finit esse caput.

#### §. VI.

*Materia, seu Objectum Dignitatis Ecclesiasticæ coincidit cum materia, seu objecto Præbendæ, ac beneficii.*

#### §. VII.

*Forma Dignitatis Ecclesiasticæ consistit in 8 requisitis. Tria autem ad constituendam dignitatem propriè talem concurrant, necessum est. I. Ut aliquis habeat administrationem rerum Ecclesiasticarum cum jurisdictione sibi perpetuò assignata. II. Ut habeat nomen dignitatis, quale est nomen Episcopi, Abbatis, Præpositi, Archidiaconi cum præcedentia, & prærogativis in Capitulo, & Choro. III. Ut ex consuetudine Ecclesiæ officium, & vel beneficium tale pro dignitate Ecclesiastice-*

putetur. Tuschus *Concl. Præl. lit. D. Cml.* 419. Archidiac. c. I. n. 2. de Confut. in 6. Cæsar de Panimoll. dec. I. adnot. 6. num. 12. Quâ ratione Rota Romana apud Tamburinum de Jure Abb. tom. 3. dec. 4. & 5. quamvis nomen Abbatis per se dignitatem sonet, illum tamen Abbatem sacerdotem, qui nec perpetuam administrationem, nec præcedentiam ante Canonicos Ecclesiæ Cathedralis habebat, pro Prælato Ecclesiastico, vel in dignitate constituto habendum non esse, decidit, & universim ad omnem dignitatem tria illa signa requirit. Excipiuntur quadam dignitates regulares, quæ præsertim in Ordinibus Mendicantium non sunt perpetuæ, sed solum ad certos annos, v. g. ad sexennium, vel triennium durant. Tambur. de Jure Abb. tom. I. disp. 1. q. 1. Donat. in Præl. Regul. tom. 2. tr. 9. q. 4. à n. 8.

#### §. VIII.

*Finis dignitatis Ecclesiasticæ est Divinitus cultus augmentum, cui cum omnes fideles studere debeant, tum maximè Prælati: & recognitio majoritatis, quæ à persona personæ debetur.*

#### §. IX.

*Effectus dignitatis in triplici possumimus jure spectatur: nempe in honore, pœnale, & emolumenit.*

*De honore textus reperitur in c. ad hoc 7. dist. 89. ubi dicitur, ad hoc gradus diversos, & ordines esse distinctos, ut diem reverentiam minores posteribus exhiberent, & posteriores minoribus dilectionem impenderent, vera concordia siceret, & ex diversitate contextio, & rebus officiorum gereretur administratio singulorum: neque enim universitas alia poterit ratione subsistero, nisi hujusmodi magnus est differentia ordo servaret. Quam vero reverentiam, & obedientiam Inferiores Superioribus præstare teneantur, exponitur ad tit. de Majorit. & Obed.*

Pr.

Potestatem quod attinet, ea variat pro va-  
riate dignitatis, ac Prælatorum, atque de ea  
extant plures tituli in Lib. 1. *Decretalium* à  
tit. 23. Summa autem, ac suprema residet in  
Romano Pontifice: quippe hic solus convo-  
cat & confirmat concilia generalia: solus ju-  
risdictionem in omnibus alias Episcopos exer-  
cit: solus Imperatores, ac Reges censuris  
vicerit: solus pro tota Ecclesia leges condit,  
aque iis, re exigente, dispensat: solus con-  
troversias fidei dirimit, dubia S. Scripturæ dis-  
solvit, & vera quæque à falsis dicernit: solus  
ubique apud Christianos Principes suos habet  
Legatos: solus novos erigit, approbatque  
Episcopatus, solus universalem curam gerit  
conversionis infidelium, & Prædicatorum ad  
diversas provincias mittendorum, ut Grego-  
rius I. in Angliam, Gregorius II. in Germani-  
am, alii in alia terrarum loca, ac regna.  
Confer. Haunold. Plettenberg. in *Introduct.*  
ad *Jus Can. c. 15.*

Emolumenta debentur, ne quemadmodum  
omnis ordo sine divitiis, ita Ecclesiastica di-  
gnitas ob paupertatem vilescat. *Clem. in ple-  
nique s. ibi:* ne mendicitatis opprobrio serenitatem  
Pontificalis obnubilent dignitatis, de-  
lect. Et huc pertinent non tantum Annata-  
rum, Palliorum, & id genus alii redditus,  
quos Pontifices percipiunt, sed & synodati-  
onum, sive cathedralicorum, census, procurati-  
ones, charitativum subsidium, aliæve ex-  
actiones, de quibus *infra suo loco.*

## TITULUS VI.

### De Clerico ægrotante, vel debilitato.

#### SUMMARIÆ.

1. Quid sit coadjutoria? 2. Alia est temporalis alia  
perpetua. 3. Quo jure coadjutoria sit introducta?  
4.5. à quo? 6. quis? 7.8. Et cuius est coadjutoria  
KÖNIG IN DECRET. LIB. IIII.

tor? 9. In quibus coadjutor coadjuti gitis supplere  
debet? 10. Ex quibus causis? 11. Et cur coadju-  
tor constitutatur? 12. Coadjutori que potestas? 13.  
14. Quis fructus? 15. Quæ precedentia, ac  
prærogativa competant?

**S**peciem præbendæ, seu beneficij præfert  
*Coadjutoria*, quæ *Clericus ægrotans, vel*  
*debilitatus* adjuvatur.

#### §. I.

*Definitur Coadjutoria*, quod sit facultas, **I**  
seu officium alicui concessum adjuvandi Be-  
neficiatum impotem in regimine beneficii.  
Pastor in c. un. num. 2. b. t. in 6.

#### §. II.

*Dividitur coadjutoria in temporalem, &* **2**  
*perpetuam.* *Temporalis* est, quando benefi-  
ciato per infirmitatem, senium, aut aliam cau-  
sam impedito coadjutor datur, quam diu is  
vivit, vel impedimentum durat. *Perpetua,*  
seu cum spes futura successionis est, quando co-  
adjutor sublato impedimento non amovetur;  
sed mortuo coadjutor in ejus officium, & be-  
neficium succedit; quæ successionis species  
in jure nostro detestabilis est *juxta c. accepimus*  
*5. de pab. c. 1. & 2. de Concess. prab.* ideó-  
que ab alio, quam S. Pontifice concedi ne-  
quit, ut n. 5. dicemus. *Dissert etiam à coadju-  
toria temporali, quod temporalis non sit  
beneficium, cum tantum officii functionem,*  
& ministerium loco proprietari contineat.  
Suarez l. 4. de *Orat. c. 22. n. 19.* Navar. de  
*Orat. c. 2. n. 18.* qui inde inferunt, coadjuto-  
rem vi hujus coadjutoriae ad Horas Canoni-  
cas non teneri; *Coadjutoria vero perpetua*  
congruæ portione assignata, & cum futura  
successione propriè beneficium dicatur. *Garc.*  
*de Benefic. p. 2. c. 5. n. 132. infin.* *Petr. Gre-*  
*gor. Tholosan. cod. tr. c. 11. n. 2.* *Fagnani*  
in c. nulla n. 66. de *Conteff. præbend.*

#### §. III.

*Causa efficiens coadjutoriae duplex est: re-* **3**  
*mota nimisrum, & proxima.*

Hil

Ric